



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXVI. Die Martii.

urn:nbn:de:hbz:466:1-9625

perstarent, hodie demum capite truncati sunt. Aiunt Rubinum, Mescinskium, atque hos tres, Iaponicum a qua tormentum facile centies & quinquies perpeffos.

Pia colloq.

P. Antonij Capetij virtus familiae decora nobilitavit. Neapoli, anpi vnus interuallo duodeuiginti ex illius disciplina futiles mundi lætities execrati religiosa castra secuti sunt. Causam rogati; vel ipse, aiebant, magistri nostri aspectus, ingens nobis calcar est, vt à mūdo ad Deum transuolemus. P. Marcellus Mastrillus illo de scribens, illum Angelum, ac thesaurum vocat: laudat illum ab incredibili in suum corpus hostiliter afflictum odio; aitque fore sigillum atque honestamentum gloriarum nobilitatis demesticae. Denique, inquit, Spiritus Domini est cum illo.

Exemplum.

P. Didacus de Morales ob assiduam in corpus sæuitiam fuit sacro quodam pallore spectabilis; ac in docendo, regendo, & Christum prædicando planè singularis. Indiam petiturus, parentes, vicinos licèt, ne inuisit quidem; nec vllas postea epistolas ad illos dedit; vt amorem carnis, & sanguinis totum vnice Christo transcriberet.

P. Franciscus Marquez Nangafachi natus patre Lusitano, matre autem à Iaponico Regum Bungj sanguine suas origines repetente. Cum ad Societatem aspiraret, eius deliberationis ducem elegit Beatissimam Virginem quæ Dux dicitur, & Macao abest passibus mille quingentis. Ad illam ea de causa exibat per nouem dies continuos peregrinabundus & supplex, vt eius ductu bonus Iesv miles esse posset. Extremo nouendialis illius peregrinationis die, cum fieri haud posse crederetur, vt, ob dirè ac variè fauientem cæli asperrimi tempestatem, pietati suæ facere satis posset, dissimulanter iniectâ sibi mendici veste perforatus ad suam Ducem abiit, seque illi nono iam die præsentem ac incundæ Societatis Iesu cupidum stitit, breuè ad illam adlectus. Mira illi affluentia lachrymarum, cum legeret Martyrum tormenta, vel diuinum Sacrificium celebraret. Agone nobili per nouem dies (velut nouendiali vitæ Deo consecratæ sacrificio) perfunctus est pendens in scrobem è pedibus; & certamen demum gladio consummauit.

B.J.

Nouendialis.
B.V.

XXVI. DIE MARTII.

P. FERDINANDVS
PATERNO.P. STEPHANVS
PAEZ.28. Mar.
Italus Ca-
tanæ, 1604.
Soc. 64.

Hic B. Aloysio Gonzagæ à confessionibus fuit in Hispania eo tempore, cum ille à Beatissima Virgine Societatis ineundæ consilium accepit, & id confessario suo aperire & iustus. Ad ægram inuitatus, cum illa fœminis alijs cincta scelus ab illo peteret, se gloriosâ fugâ eripuit.

Castita.

Hinc ab artibus religiofæ rectionis laudant annuæ adduntque quoddam cum ei mortuo parentaretur, fœmina excellæ virtutis opinione celebris supra ipsam aram ei à B. P. Ignatio processum obuiam, & summa exceptum gratulatione postea narrarit, illudque visum à se præsentem, spectanteque liquidò obseruatum asseruerit.

Hispanus
Lima. 26.
Mar. 1613.
Soc. 45.

S.P. Ignat.

Y BAL.

BALTHASAR MAYR
COADIUT.

Germanus
Brunz 16.
Mar. 1627.
stat. 6.
B. F.

Quotiescunque Beatissimæ Virgini imaginem præteribat, illam suavissimè reuereri non omittebat, & si à nullo se audiri putaret, etiam *Matri* nomine saluabat clarâ voce. Lubens ad Conciónatorum pedes sede-

bat cum Magdalena, vt illos de diuinis differentes audiret: Optabat in Colloquio domestico non nisi de rebus æternis texti sermonem. Obedientiam toto studio sequebatur, dicebatq; sæpius etiam in ea quam in morbo summo patiebat mentis aberratione obedientiam esse Societatis virtutem. Corpus eius in Crypta Brunensi aiunt mansisse incorruptum.

Obedientia

XXVII. DIE MARTII.

P. SALVATOR
PISQVEDDA.

Sardus Sa-
fari. 17.
Mar. 1624.
Soc. 51.

Mira fuit huius etiam infantia, Marre de illo nescio vnde edoctâ fore vt ad excelsum virtutis fastigium assurgat. Illibata illi Virginitas, imò & conscientia nullius vquam lethalis noxæ labe aspersa; & erga SSS. Trinitatem pietas omninò singularis, cum semper tum verdè vel maximè posteaquam illius radios, & quandam effigiem vidit in Corona cœlestium Angelorum. Christum quoque non semel ceu Regem spectasse perhibetur in augustissimo Eucharistiæ Sacramento. Cibum cinere, acamaris varijs permiscebat. Sextâ quavis feriâ. Per quotidianâ sui verberationem, in se quinque millibus ictuum sæuiebat, intra vnus anni circulum distributis, vt eum numerum verberum impletet, quem Christus ad Columnam dicitur sustinuisse. Moriens obedientiæ iussu coactus dixit, se nunquam vllius à se violatæ legis nostræ meminisse. Sed eius vita dabit multa de illo, & mira.

SSS. Trinit.

Euch.

Morif.

P. BERTRANDVS
PARRA.

In cathedra religiosè dicebat efficitate insigni; domi religiosè tacebat, omnium legum, sed silentij potissimum, accuratione laudatus. Colici dolores illum intra biduum exinere; in quibus ille, nihil aliud dicebat, nisi; *Domine patientiam; Domine, misericordiam.* Sub sanctissimum viaticum, solum Apostolorum pronuntiari iussit, cum ipse per dolores non posset: mox vota renouauit. Cor apud perentes id moniales eius loci in quo Ecclesiasten per quadragesimam agebat, sepultum. De quo hoc affirmant moniales (ipsa Ruthenenis Collegij verba recito) se quotidie sacrum illud pignus venerari solitas ex condicto nec vnquam sine cœlesti quodam animorum motu, & incensa in Deum voluntate. Fœmina ægracum in spem venisset fore vt contactu lintei quo patris cor inuolutum fuerat, valetudini restitueretur, acceptâ eius particulâ breuè dicitur conualuisse.

Gallus in
Missione
Coll Ruthenensis, 17.
Mar. 1639.

Patientia

Cop.

P. AN-